

La Quotidiana 5-2-2016, p. 26

17.25 CONTRASTS SIN SRF 1

David Frankfurter: «Jau hai stuì far quai!»

Ils 4 da favrer 1936 vegn schluppettà a Tavau il schef dals nazis en Svizra Wilhelm Gustloff. L'assassin è il gidieu David Frankfurter, in student da medischiina da 26 onns, oriund da la Croazia. Quest omicidi squassa la Svizra. La pressa svizra scriva d'in attentat politic. La Germania discorra d'in cumplot internaziunal, d'ina conspiraziun giudaica.



«Gustloff duai esser in exempel», exprima l'assassin sez en il film «DAVID FRANKFURTER – Jau hai stuì far quai!». En occasiun dal 80avel anniversari dal murdraretsch mussa Ruedi Bruderer l'istorgia da quest omicidi cun sa basar sin films e fotografias istoricas e sin in'intervista esclusiva cun il figl Moshe Frankfurter. L'istoricher e directur da «Documents diplomatics svizzers», Sacha Zala commentescha la situaziun politica ed era l'omicidi.